

馬氏文獻通考



文獻通考卷二百七十

鄧

陽

馬

端

臨

貴

與

著

封建考十一

魏封建諸侯王

任城威王彭建安二十一年封鄆陵侯文帝卽位以功增邑五千并前萬戶黃初二年進爵爲公三年立爲任城王四年薨子楷嗣徙封中牟五年改封任城縣太和六年復改封任城國食五縣二千五百戶青龍三年坐罪削縣二千戶正始七年徙封濟南二千戶并增邑四千四百戶

陳思王植建安十六年封平原侯十九年徙封臨菑侯二十二年增邑至萬戶文帝卽位坐罪貶爵安鄉侯三年立爲鄆城王邑二千五百戶四年徙封雍邱六年增戶五百太和元年徙封浚儀三年徙封東阿六年以陳四縣封爲陳王邑三千五百薨子志嗣徙封濟北王

蕭懷王熊早薨後追封王子哀王炳嗣食邑二千五百戶薨無子國除

豐愍王昺早卒黃初二年追謚曰豐悼公三年以樊安公均子琬嗣嘉平六年襲爵爲豐王累增邑至二千七百戶薨子廉嗣

相賜王鑠早薨太和三年追封子潛嗣薨 偃邑二千五百戶無子國除

鄧哀王冲早卒以宛侯據子琮奉冲後景初元年坐罪削邑貶爵爲侯正始七年轉封平陽公累增邑并前千九百戶

彭城王據建安十六年封范陽侯二十二年徙封宛侯黃初二年進爵爲公三年爲章陵王又徙義陽又徙彭城及濟陰景初元年坐罪削爵二千戶三年復景元中累增邑并前四千六百戶

燕王宇建安十六年封都鄉侯二十二年改封魯陽侯黃初二年進爵爲公三年爲下邳王五年改封單父縣太和六年封燕王累增邑至五千五百戶薨 奐後入繼大宗卽帝位

沛穆王林建安十六年封饒陽侯二十二年徙封譙黃初二年進爵爲公三年爲譙王五年改封譙縣七年徙鄆城太和六年徙沛累增邑至四千七百戶薨子緯嗣

中山恭王衮建安二十一年封平鄉侯二十二年徙東陽侯黃初二年進爵爲公三年爲北海王又徙贊濮陽及中山青龍元年坐削邑二年復三年卒子孚嗣增邑至三千四百戶

濟陽懷王玟建安十六年封西鄉侯早卒以沛王林子贊襲爵薨復以贊弟邑紹薨子恆嗣累增邑至千九百戶陳留恭王峻建安二十一年封鄆侯後徙襄邑黃初三年進爵改封襄邑又改陳留薨子渙嗣累增邑至四千七百戶

范陽閔王矩早卒詔以樊安公均子敏嗣封臨晉侯黃初五年改封范陽王七年徙句陽增邑至三千四百戶子焜嗣

趙王幹建安二十年封高平亭侯再徙賴亭弘農黃初二年封燕王又改河間樂城鉅鹿乃封趙王增邑至五千戶

楚王彪建安二十一年封壽春侯徙封汝陽弋陽吳壽春白馬乃改封楚王坐犯禁削縣繼而復所削封至三千

戶嘉平元年令狐愚王凌等謀立彪都許昌凌敗彪自殺至正元元年封子嘉爲常山真定王

鄆戴公子整建安二十二年封鄆侯薨無子詔以彭城王據子範奉整後子闔嗣增封至千八百戶

樊安公均建安二十二年封薨子抗嗣徙封抗蘇屯留薨子諲嗣累封至千九百戶

東平靈王徽建安二十二年封厯城侯黃初三年爲廬江王徙壽張東平坐罪削邑繼復所削薨子禽嗣累封至三千四百戶

樂陵王茂二十二年封萬歲亭侯改封平輿乘氏中邱聊城乃封王又改曲陽坐罪削繼復徙樂陵增邑至五千戶 右太祖二十五男其得封傳國者十七人

贊哀王協早薨太和五年追封子尋嗣增戶至三千薨無子國除

北海悼王蕤黃初七年立爲陽平縣王後改封北海薨以瑯琊王子贊嗣徙封昌鄉饒安文安增邑至三千五百戶

東武陽懷王鑒黃初六年立薨無子國除

東海定王霖黃初三年立爲河東王改封館陶東海薨子啟嗣累增邑至六千二百戶子高貴鄉公襲入繼大宗嗣帝位

元城哀王禮黃初二年封秦公三年改京兆王又改元城薨尋以任城王楷子梯嗣改封梁王累增邑至四千五百戶

邯鄲懷王邕黃初二年封淮南公三年封王又改陳及邯鄲薨以任城王楷子溫嗣改封魯陽累增邑至四千四

百戶

清河悼王貢黃初三年封薨無子國除

廣平哀王儼黃初三年封薨無子國除 右文帝子八王

黃初五年詔曰先王建國隨時而制漢祖增秦所置郡至光武以天下損耗并省郡縣以今比之益不及焉其改

封諸王皆爲縣王

陳思王傳時法制待藩國既自峻迫寮屬皆賈豎下才兵人給其殘老大數不過二百人又

植以前過事復減半十一年中而三徙都常汲汲無歡遂發疾薨正始開宗室曹冏上書曰古之王者必建同姓以明親親必樹異姓以明賢賢親親之道專用則其漸也微弱賢賢之道偏任則其敝也劫奪先聖知其然也故博求親疏而並用之故能保其社稷歷紀長久今魏尊尊之法雖明親親之道未備或任而不重或釋而不任臣竊惟此寢不安席謹撰合所聞論其成敗曰昔夏商周歷世數十而秦二世而亡何則三代之君惟天下共其民故天下同其憂秦王獨制其民故傾危而莫救也秦觀周之敝以爲小弱見奪於是廢五等之爵立郡縣之官內無宗子以自毗輔外無諸侯以爲藩衛譬猶芟刈股肱獨任胸腹觀者爲之寒心而始皇晏然自以爲子孫帝王萬世之業也豈不悖哉故漢祖奮三尺之劍驅烏集之衆五年之中遂成帝業何則伐深根者難爲功摧枯朽者易爲力理勢然也漢監秦之失封殖子弟及諸呂擅權圖危劉氏而天下所以不傾動者徒以諸侯強大磐石膠固故也然高祖封建地過古制故賈誼以爲欲天下之治安莫若衆建諸侯而少其力文帝不從至於孝景獵用鼂錯之計削黜諸侯遂有七國之患蓋兆發高帝毀鍾文景由寬之過制急之不漸故也所謂末大必折尾大難掉尾同於體猶或不從況乎非體之尾其可掉乎武帝從主父策下推恩之令自是之後遂以陵夷子孫微弱衣

食租稅不預政事至於哀平王氏秉權假周公之事而爲田常之亂宗室王侯或乃爲之符命頌莽恩德豈不哀哉由斯言之非宗子獨忠孝於惠文之間而叛逆於哀平之際也徒以權輕勢弱不能有定耳賴光武皇帝挺不世之姿擒王莽於已成紹漢嗣於既絕斯豈非宗子之力也而曾不監秦之失策襲周之舊制至於桓靈闇官用事君孤立於上臣弄權於下由是天下鼎沸姦宄並爭宗廟焚爲灰燼宮室變爲榛藪太祖皇帝龍飛鳳翔掃除凶逆大魏之興於今二十有四年矣觀五代之存亡而不用其長策觀前車之傾覆而不改於轍迹子弟王空虛之地君有不使之民宗室竄於閭閻不聞邦國之政權均匹夫勢齊凡庶內無深根不拔之固外無磐石宗盟之助非所以安社稷爲萬世之業也且今之所牧郡守古之方伯諸侯皆跨有千里之士兼軍武之任或比國數人或兄弟並據而宗室子弟曾無一人身廁其間與相維制非所以強幹弱枝備萬一之虞也今之用賢或超爲名都之主或爲偏師之帥而宗室有文者必限小縣之宰有武者必致百人之上非所以勸進賢能褒異宗室之禮也語曰百足之蟲至死不僵以其扶之者衆也此言雖小可以譬大是以聖王安不忘危存不忘亡故天下有變而無傾危之患矣罔冀以此論感悟曹爽不能用 陳壽評曰魏氏王公既徒有王國之名而無社稷之實又禁防壅隔同於圜牆位號靡定大小歲易骨肉之恩乖棠棣之義廢爲法之弊一至於此乎袁子曰魏興承大亂之後民人損滅不可則以古始於是封建侯王皆使寄地空名而無其實王國使有老兵百餘人以衛其國雖有王侯之號而乃儕於匹夫縣隔千里之外無朝聘之儀鄰國無會同之制諸侯游獵不得過三十里又爲設防輔監國之官以伺察之王侯皆思爲布衣而不能得既違宗國藩屏之義又虧親戚骨肉之恩

魏列侯

魏黃初三年制封王之庶子爲鄉公嗣王庶子爲鄉侯公之庶子爲亭伯其後定制凡國王公侯伯子男六等次縣侯次鄉侯次亭侯次關內侯又置名號侯爵十八級關中侯爵十七級皆金印紫綬關外侯十六級銅印龜紐墨綬五大夫十五級銅印環紐亦墨綬自關內侯皆不食租虛封爵自魏始而有保傅相常侍侍郎郎中令中尉大農文學友謁者大夫諸雜署令丞公主有家令僕丞行夜督郵王太妃有家令僕丞

公孫康遼東襄平人漢末父度據遼東至康以斬袁尚功封襄平侯子淵嗣明帝時拜大司馬封樂浪公景初元年遣使徵之淵發兵反遣司馬懿討誅之

張燕常山真定人本羣盜聚衆河北太祖將平冀州遣使求佐王師拜平北將軍封安國亭侯邑五百戶薨子方嗣融

張繡武威祖厲人漢末聚衆於祖厲後領衆屯宛與劉表合太祖南征以衆降封宣威侯以軍功增邑至二千戶薨子臬嗣坐反誅國除

張魯沛國豐人據漢中太祖討平之出降封閭中侯邑萬戶封魯五子及閭圃等皆爲列侯子富嗣

夏侯惇沛國譙人以從征呂布功封高安鄉侯增邑至二千五百戶薨諡忠侯子充嗣 廙 劭 河內人韓浩

沛國人史渙俱以忠勇顯掌禁兵封侯 附惇傳

夏侯淵惇族弟以軍功封博昌亭侯後守漢中爲劉先主所襲戰死諡愍侯子衡嗣 續 襲

曹仁太祖從弟以征伐功進封陳侯增邑至三千五百戶薨諡忠侯子泰嗣轉封甯陵侯 初泰弟楷範皆爲列

侯 仁弟純以征伐功封高陵亭侯邑三百戶卒諡威侯子演嗣

曹洪太祖從弟以征伐功封野王侯二千一百戶薨諡恭侯子馥嗣 太祖分洪戶封子震爲列侯 族父瑜官至衛將軍封侯

曹休太祖族子以征伐功封長平侯增邑至二千五百戶薨諡壯侯子肇嗣 興 文帝分休戶三百封肇弟纂爲列侯

曹真太祖族子以軍功封東鄉侯累增戶至二千九百薨諡元侯子爽嗣明帝崩受遺輔少主加侍中武安侯邑萬二千戶坐擅權爲司馬懿所誅夷 明帝思真功封其五子懿訓則彥體皆爲列侯 文帝分真邑二百戶封弟彬爲列侯

夏侯尚淵從子以軍功封昌陵侯薨諡悼侯子元嗣坐謀誅司馬師爲師所誅夷

荀彧潁川潁陰人太祖平袁紹以彧前後籌策功封萬歲亭侯累增邑至二千戶薨諡敬侯子惲嗣 彪 顯

荀攸彧從子與彧同時以籌策功封陵樹亭侯增邑至七百戶子適嗣 彪

賈詡武威姑臧人以說張繡降太祖功封都亭侯進封魏壽鄉侯增邑至八百戶薨諡肅侯子穆嗣 模

田疇右北平無終人太祖征烏丸疇將衆爲白導破虜以功封亭侯邑百戶固辭不受

何夔陳郡陽夏人太祖時參軍事文帝爲太子以夔爲少傅帝卽位封成陽亭侯邑三百戶薨諡靖侯子曾嗣

鍾繇潁川長社人太祖時馬騰韓遂擁強兵擅關中乃以繇爲侍中持節督關中魏國初建爲相國文帝受禪進

封崇高鄉侯增邑至千八百戶薨諡成侯子毓嗣 文帝分毓戶邑封繇弟演及子劭孫豫列侯 駿

華歆平原高唐人魏國建爲御史大夫文帝卽位拜相國封安樂侯明帝卽位封博平侯增邑至千三百戶薨諡

敬侯子表嗣 文帝時分歆戶邑封歆弟緝列侯

王朗東海人魏國建以軍祭酒領魏郡太守文帝卽位爲司空封樂平鄉侯明帝卽位封蘭陵侯增邑至千二百戶薨謚成侯子肅嗣 文帝分朗邑封朗兄子詳爲列侯

程昱東郡東阿人以從討破袁譚尙功封安國亭侯文帝卽位封安鄉侯增邑至八百戶薨謚肅侯子武嗣 克

良

郭嘉潁川陽翟人從征伐以籌策功封洧陽亭侯增邑至千戶薨謚貞侯子率嗣 深 獵

董昭濟陰定陶人說太祖移駕都許以謀策功封千秋亭侯後進爵樂平侯邑千戶薨謚定侯子霄嗣

劉曄淮南成惠人太祖文帝時爲侍中征討預謀書明帝時以功封東亭侯邑三百戶薨謚景侯子寓嗣

蔣濟楚國平阿人太祖時爲丞相主簿文明時仕至散騎常侍預軍國謀議齊王卽位進爵昌陵亭侯薨謚景侯

子秀嗣 凱

劉放涿郡人魏國建爲祕書郎文明時爲中書監掌機密封西鄉侯齊王卽位以定策增邑至一千一百戶薨謚

敬侯子正嗣

孫資太原人自太祖以來與劉放俱任中書掌機密封陽亭侯齊王卽位以定策功增邑至千戶薨謚貞侯子宏

嗣

劉靖沛國相人太祖時表靖父馥爲揚州刺史恩惠大行戰守有備馥卒子靖爲河南尹有父風封廣陵亭侯邑

三百戶謚景侯子熙嗣

司馬朗河內溫人太祖時爲丞相主簿從征伐明帝卽位錄其功封朗子昌武亭侯邑百戶子洪嗣

梁習陳郡柘人文帝時爲并州刺史政治爲天下最封中門亭侯邑百戶薨子施嗣

張既馮翊高陵人文帝時爲涼州刺史以擊胡功封西鄉侯增邑至四百戶薨諡肅侯子緝嗣坐與李豐同謀誅

司馬師見殺

賈逵河東襄陵人太祖時爲丞相主簿從征伐文帝受禪以功封陽里亭侯四百戶薨諡肅侯子充嗣

任峻河南中牟人太祖征伐峻常居守置屯田給軍糧以功封都亭侯邑三百戶薨諡成侯子先嗣

蘇則扶風武功人文帝時爲護羌校尉以征羌功封都亭侯邑三百戶薨諡剛侯子怡嗣

怡弟
諡封

杜畿京兆杜陵人爲河東太守十六年治爲天下最文帝踐祚封豐樂亭侯邑百戶諡戴侯子恕嗣

張遼鴈門馬邑人太祖時爲將破袁譚攻孫權有功文帝卽位封晉陽侯邑增至二千六百戶諡剛侯子虎嗣

統

樂進陽平衛國人太祖時爲軍司馬以征伐功封廣昌亭侯增邑至千二百戶諡威侯子緄嗣

肇

于禁泰山鉅平人太祖時以征伐功封益壽亭侯增邑至千二百戶後禦關羽於樊軍敗降羽文帝時自吳還卒

諡厲侯子圭嗣

張郃河間人太祖時以征伐功封鄼侯後增邑至四千三百戶卒諡壯侯子雄嗣

明帝以郃功分其邑封郃四

子列侯

徐晃河東楊人太祖時征伐有功文帝卽位封陽平侯增邑至三千一百戶諡壯侯子蓋嗣

霸

明帝分晃子

孫二人列侯

李典山陽鉅野人太祖時從軍以功封都亭侯邑三百戶薨謚愍侯子禎嗣

李通江夏平春人以軍功封都亭侯增邑至四百戶謚剛侯子基嗣

臧霸泰山華人太祖攻袁紹時霸爲瑯琊相以精兵入青州封都亭侯文帝卽位封良成侯增邑至二千五百戶

謚威侯子艾嗣 明帝以霸前後功封子三人列侯

文聘南陽宛人爲劉表大將太祖征荊州劉琮降聘詣太祖後以禦關羽孫權功封新野侯增邑至千九百戶謚

壯侯子休嗣 武

呂虔任城人太祖時爲泰山太守以平寇功封益壽亭侯增邑至六百戶子翻嗣 桂

許褚譙國譙人太祖時從征伐有功文帝立封萬歲亭侯增邑至七百戶謚壯侯子儀嗣 綜

龐惠南安道人初從張魯太祖定漢中乃降封關門亭侯與曹仁共攻關羽不克死之謚壯侯封其二子皆爲列侯

衛覬河東安邑人太祖時以治書侍御史鎮關中招懷有功文帝立封陽吉亭侯增邑至三百戶謚敬侯子璿嗣

傅赧北地泥陽人黃初中爲侍中尙書高貴鄉公時進封武鄉亭侯以勸司馬師討毌邱儉功增邑至千二百戶

謚元侯子祗嗣

陳羣潁川許昌人太祖時辟爲西曹掾文帝在東宮待以交友之禮卽位封昌武亭侯帝寢疾與曹真司馬懿等並受遺詔輔明帝封穎陰侯增邑至千三百戶謚靖侯子泰嗣 恂 溫 緒 弟 封

陳矯廣陵東陽人太祖時爲司空掾文帝卽位以佐命功封東鄉侯邑六百戶謚貞侯子本嗣 案

徐宣廣陵海西人太祖時爲司空掾明帝卽位爲尙書封津陽亭侯邑二百戶謚貞侯子欽嗣

衛臻陳留襄邑人太祖時參丞相軍事文帝踐阼封安國亭侯正始中進爵長垣侯邑千戶謚敬侯子烈嗣

盧毓涿郡涿人太祖時爲丞相法曹齊王卽位爲僕射封高樂亭侯後封容城侯二千三百戶謚成侯孫藩嗣

和洽汝南西平人初從劉表太祖定荊州辟爲丞相掾明帝卽位封西陵鄉侯邑二百戶謚簡侯子禽嗣

常林河內溫人文帝爲五官將時林爲功曹帝卽位封樂陽亭侯謚貞侯子肯嗣 靜嘗弟 靜嗣

杜襲潁川定陵人太祖時爲丞相軍祭酒文帝卽位封武平亭侯累封至五百五十戶謚定侯子會嗣

趙儼潁川陽翟人太祖時爲司空掾屬主簿明帝卽位進封都鄉侯邑六百戶謚穆侯子亭嗣

裴潛河東聞喜人太祖時爲丞相理曹掾明帝卽位封清陽亭侯邑二百戶謚貞侯子秀嗣

韓暨南陽堵陽人太祖平荊州辟爲丞相主簿掾文帝卽位封宜城亭侯邑二百戶謚恭侯子肇嗣 邦

崔林清河東武城人太祖時爲丞相掾明帝時爲司空封安陽亭侯邑六百戶 魏三公封列侯自林始 謚孝侯子述嗣

高柔陳留圉人太祖辟爲丞相倉曹屬明帝卽位封延壽亭侯齊王時以預誅曹爽功封安國侯爲太尉增邑至

四千戶謚元侯孫渾嗣

孫禮涿郡容城人文帝時爲尙書齊王時遷司空封大利亭侯邑七百戶謚景侯孫元嗣

王觀東郡廩丘人太祖時爲文學掾歷仕文明二帝高貴鄉公卽位既誅曹爽封觀陽鄉侯後增邑至一千五百

戶遷司空謚肅侯子惔嗣

辛毗潁川陽翟人初從袁紹太祖克鄴表毗爲議郎文帝時封廣平亭侯薨謚肅侯子敞嗣

滿寵山陽昌邑人太祖時爲汝南太守以戰功封安昌亭侯明帝卽位封昌邑侯增邑至九千六百戶薨謚景侯子偉嗣

田豫漁陽雍奴人太祖時爲丞相軍謀掾文帝初爲護烏丸校尉以討胡功封長樂亭侯增邑至五百戶薨子彭祖嗣

郭淮太原陽曲人文帝時爲鎮西長史討平關中叛胡封射陽亭侯後進封陽曲侯邑凡二千七百八十戶分三百戶封一子亭侯薨謚貞侯子統嗣 正

徐邈燕國薊人太祖時爲丞相軍謀掾文帝立以討叛羌功封都亭侯邑三百戶薨謚貞侯子武嗣

胡質楚國壽春人太祖時爲丞相屬文帝卽位爲征東將軍都督青徐諸軍事積穀備邊薨追封陽陵亭侯邑百戶謚貞侯子威嗣

王景太原晉陽人文帝時爲兗州刺史後以戰功封京陵侯討田邱儉文欽諸葛誕等破之增邑至四千七百戶薨謚穆侯子渾嗣

王基東萊曲城人文帝時爲中書侍郎高貴鄉公卽位封常樂亭侯後以預討文欽等功增邑至五千七百戶薨謚景侯子徽嗣

王凌太原祁人太祖時爲丞相掾文帝卽位爲兗州刺史後以戰功封南鄉侯邑千三百五十戶司馬懿秉政凌謀立楚王彪事覺懿討之自殺

卬邱儉河東聞喜人父興黃初中爲武威太守以討叛胡功封高陽鄉侯儉襲父爵後以討公孫淵功進封安昌侯邑三千九百戶司馬師專政儉矯太后詔起兵討之兵敗死

諸葛誕瑯琊陽都人明帝時爲御史中丞後以討吳功封高平侯邑三千五百戶爲征東將軍司馬昭秉政誕舉兵降吳昭討之兵敗死

鄧艾義陽棘陽人爲司馬懿掾屬後以破文欽等功封方城鄉侯拒姜維破之遷征西將軍增邑至六千六百戶以平蜀功爲太尉增邑二萬戶封二子亭侯邑各千戶鍾會譖而殺之

鍾會潁川長社人太傅繇之子高貴鄉公卽位以謀討卬邱儉等功封東武亭侯邑三百戶後以平蜀功爲司徒進封縣侯增邑萬戶封子二人亭侯邑各千戶坐反誅 右魏世諸侯王及列侯之見於史傳而可考者 按漢人嘗稱萬戶侯蓋列侯大者多食萬戶魏則雖親王所食未有及萬戶者漢光武封功臣如鄧寇輩皆以元功食四縣范曄猶以爲懲韓彭之戮存矯枉之志故不大其封土使之得以功名自終魏則諸王所食不過一縣蓋封建之制至曹魏而規模益貶矣然以天下戶口之數考之西漢盛時至一千餘萬而魏氏不過六十六萬有奇蓋郡國所上戶口猶不及漢十之一則宜其分封之戶數不能如漢制也又兩漢戶賦輕而魏晉以來戶賦重受封者皆食其戶賦則輕者不容不多而重者不容不少也張繡傳言時天下戶口減耗十裁一存諸將封未有滿千戶者而繡獨以功封二千戶亦一證也

文獻通考卷二百七十一

鄧 陽 馬 端 臨 貴 興 著

封建考十二

晉諸侯王列侯

晉亦有王公侯伯子男六等之封晉今日有開國郡公縣公郡侯縣侯伯唯安平郡公孚邑萬戶制度如魏諸王其餘縣公邑千八百戶地方七十五里大國侯邑千六百戶地方七十里次國侯邑千四百戶地方六十五里大國伯邑千二百戶地方六十里次國伯邑千戶地方五十里大國子邑八百戶地方五十里次國子邑六百戶地方四十里男邑四百戶地方四十里武帝受禪之初泰始元年封建子弟爲王二十餘人以郡爲國邑二萬戶爲大國置上中下三軍兵五千人邑萬戶次國置上軍下軍兵三千人邑五千戶爲小國置一軍兵千五百人王不之國宮於京師罷五等之制公侯邑萬戶以上爲大國五千以上爲次國不滿五千戶爲小國初雖有封國而王公皆在京都咸寧三年詔徙諸王公皆歸國時楊琇以齊王攸有時名懼惠帝有優難乃更制戶邑皆中尉領兵其平原汝南瑯琊扶風齊爲大國梁趙樂安燕安平義陽爲次國其餘爲小國皆制所近縣益滿萬戶又爲郡公制度如小國王亦中尉領兵郡侯如不滿五千戶王置一軍千一百人亦中尉領之於時唯特增魯國公戶邑追進封故司空博陵公王沈爲郡公鉅平侯羊祜爲南城郡侯又南宮王丞隨王萬各於泰始中封爲縣王邑千戶至是改正縣王增邑爲三千戶制度如郡侯亦置一軍自此非皇子不得爲王而諸王之支庶皆皇家之近屬至親亦各以土推恩受其大國次國始封王之支子爲公承封王之支子爲侯繼承封王之支子爲伯小國五

千戶始封王之支子及始封公侯之支子皆為男非此皆不得封其公之制度如五千戶國侯之制度如不滿五千戶國亦置一軍千人中尉領之伯子男以下各有差而不置軍大國始封之孫罷下軍曾孫又罷上軍次國始封之孫亦罷下軍其餘付以一軍為常大國中軍二千人上下軍各千五百人次國上軍二千人下軍千人其未

之國大國置守士百人次國八十人小國六十人郡侯縣公亦如小國制度既行所增徙各如本奏既遣就國而諸公皆戀京師涕泣而去及吳平後齊王收遂之國凡名山大澤不以封鹽鐵金銀銅錫始平之竹園別都宮室園囿皆不為屬國其仕在天朝

者與之國同皆自選其文武官時齊王收國相上長史缺典書令請求差選收下令曰官人敍上皆朝廷之事非國所宜裁也其令自上請之又當時王家人衣食皆出御府收乃表電秩足自供遂求諸入作卿士而其世子年已壯者皆清茲國其王公侯以下茅社符璽重旗命服一如秦始故事凡王金印

龜紐練朱綬建遊三梁冠絳紗朝服佩山元玉開國郡公縣公金章卓朱綬敍郡侯青朱綬同進賢三梁冠初武帝踐祚封宣帝孫永為東莞郡王始置二卿侯以下置官屬隨國大小無定制諸侯並三分食一東晉元帝太

興元年始置九分食一元帝以西陽王羨屬尊元會特為設牀明帝以美皇室元老特為王國有傳傳即師也故曰傳武帝初臣亦謂之師友武帝初置一人蓋因典書令丞治書國職官錄曰漢制本曰尚書改為文學人

郎中令中尉大農為三左右常侍一人掌贊相獻替內史改太守為內史又晉將軍大國上下二軍將軍各一人小國止典祠典衛學官令治書中尉司馬世子庶子陵廟牧長謁者中大夫舍人典府等其後省相及僕省郎中

置侍郎二人初晉武帝輔政所屬常侍於帝曰平生曾游東平樂其風土即拜為公侯以下國官屬遞減晉詔以光公郎中及嗣陵公何曾國皆置郎中令又曰元帝初渡江

督諸侯王